



PARLIAMENT
OF THE REPUBLIC OF SOUTH AFRICA

VA NA NA RITO

Rimba ra swa Timali na Swiringanyeto swa Mali ya Tiko

Swibumabumelo na Tinhlengeletano to yingisela mavonelo ya vaaki

Komiti ya Nkarhi Hinkwawo ya swa Timali na Komiti yo Hoxa Tihlo ya Huvo ya Rixaka ya Swifundzankulu ya swa Timali yi rhamba vatekaxiave na mihlangano leyi nga na ku tsakela ku yisa swibumabumelo leswi tsariweke hi mayelana na Rimba ra swa Timali na Swiringanyeto swa Mali ya Tiko leri nga ta andlariwa xikan'we na Mpimanyeto wa 2026/2027 hi Ravunharhu, 25 Nyenyanyana 2026.

Nawu wo Cinca Mafambiselo ya Milawumbisi ya swa Timali na Timhaka Leti Fambelanaka na tona, Nawu wa Nomboro yan 9 wa 2009 wu hlamusela rimba ra swa timali hi ndlela leyi landzelaka:

rimba ra lembeximali rolero leri endlaka pholisinkulu ya swa ikhonomi ya Khabinete ya tiko hinkwaro yi tirha kahle, naswona ri katsa -

(a) mikumbetelo ya mali ya tiko hinkwayo, leyi pimanyetiweke na leyi pimanyetiweke yo tatisela leyi boxiweke etlhelo leyi languteriweke ku hlengeletiwa eka lembeximali rolero;

(b) mikumbetelo ya mali hinkwayo leyi nga ta tirhisiwa, leyi pimanyetiweke na leyi pimanyetiweke yo tatisela leyi boxiweke etlhelo eka lembeximali rolero;

(c) mikumbetelo ya mali leyi nga ta lombiwa eka lembeximali rolero;

(d) mikumbetelo ya tihakelo ta mitswalo na ku hakeriwa ka xikweleti; na

(e) ku kombisa mali leyi vekiweke etlhelo yo pfuneta leyi lavekaka ku angula hi ndlela leyi faneleke loko yi laveka hi xihatla na swilaveko swin'wana swa nkarhinyana na swilo swin'wana leswi simekiweke eka swipimelo leswi fanaka.

Tinhlengeletano to yingisela mavonelo ya vaaki ti ta khomiwa hi ku tirhisa Zoom hi Ravumbirhi, 10 Nyenyankulu 2026.

Lava lavaka ku endla swibumabumelo eka tinhlengeletano to yingisela mavonelo ya vaaki hi Ravumbirhi, 10 Nyenyankulu 2026 va fanele va kombela ku endla tano. Tinhlengeletano to yingisela mavonelo ya vaaki ti ta khomiwa hi ku tirhisa Zoom.

Swibumabumelo na ku kombisa ku tsakela ka wena ku hlamusela hi nomo swi fanele ku amukeriwa ku nga se hundza 12:00 hi Musumbhunuku, 09 Nyenyankulu 2026.

Swibumabumelo swi fanele swi kongomisiwa eka Vamatsalana va Tikomiti, Tatana Allen Wicomb na Manana Teboho Sepanya (Komiti ya Nkarhi Hinkwawo ya swa Timali) na Tatana Nkululeko Mangweni (Komiti yo Hoxa Tihlo ya Huvo ya Rixaka ya Swifundzankulu ya swa Timali), 3rd Floor, 90 Plein Street, Cape Town, 8000 kumbe awicomb@parliament.gov.za / tsepanya@parliament.gov.za / nmangweni@parliament.gov.za riqingho (021) 403-3759 / (021) 403-3738 / (021) 403-3782.

Tikhopi ta Rimba ra swa Timali na Swiringanyeto swa Mali ya Tiko ti ta kumeka hi 25 Nyenyenyana 2026 eka www.treasury.gov.za .

Xi humesiwile hi Muchaviseki MJ Maswanganyi, Xirho xa Palamende, Mutshamaxitulu: Komiti ya Nkarhi Hinkwawo ya swa Timali (Huvo ya Rixaka) na Muchaviseki S Ndhlovu, Xirho xa Palamende, Mutshamaxitulu: Komiti yo Hoxa Tihlo ya Huvo ya Rixaka ya Swifundzankulu ya swa Timali (Huvo ya Rixaka ya Swifundzankulu).